

素問縣解

素問懸解卷十三

昌邑黃元御解

六元正紀大論

黃帝問曰六化六變勝復淫治甘苦辛鹹酸淡先後余知之矣夫五運之化或從天氣或逆天氣或從天氣而逆地氣或從地氣而逆天氣或相得或不相得余未能明其事欲通天之紀從地之理和其運調其化使上下合德無相奪倫天地升降不失其宜五運宣行勿乖其政調之正味從逆柰何

六化六氣之正化六變六氣之災變勝復淫治五味補寫先後之宜詳至真要論中五運之化或從司天之氣或逆司天之氣或從司天之氣而逆司地之氣或從司天之氣或逆

而逆司天之氣或與六氣相得或不相得言運氣之錯綜  
不一也通天之紀從地之理陰陽應象論天有八紀地有五理治不法天之紀不用地之理則災害至矣明天紀而順地理也謂之正味適其從逆卽下文所謂藥食之宜也

岐伯稽首再拜對曰昭乎哉問也此天地之綱紀變化之淵源非聖帝孰能窮其至理歟臣雖不敏請陳其道令終不滅久而不易

六氣升降五運往來此天地之綱紀變化之淵源德化政令勝復淫治所由生也

帝曰願夫子推而次之從其類序分其部主別其宗司昭其氣數明其正化可得聞乎

類序者六氣以類相序如辰戌之年上見太陽是也部主者六氣上下各有分部以主時令也宗司者總統爲宗分主爲司也氣數者六氣迭用各有其數也正化者非位爲邪氣當位爲正化也

岐伯曰先立其年以明其氣金木水火土運行之數寒暑燥溼風火臨御之化則天道可見民氣可調陰陽卷舒近而無惑數之可數者請遂言之帝曰太陽之政奈何岐伯曰辰戌之紀也

先立其年者先立其年歲之干支也干支立則知五運運行之數六氣臨御之化天道可見民氣可調陰陽之卷舒近在目前而無惑此數之可數者也

太陽 太角 太陰

壬辰 壬戌

其運風其化鳴條啟坼其變振拉摧拔其病眩掉目瞑

太角 初正 少徵 太宮 少商 太羽 終

壬爲陽木故曰太角壬辰壬戌太陽寒水司天太陰溼土在泉中爲太角木運後文倣此中運統主一歲一歲之中又分五運應地者靜是爲主運主運則初運起角陽年爲太陰年爲二運爲徵三運爲宮四運爲商五運爲羽歲歲相同應天者動是爲客運客運則壬年陽木起太角丁年陰木起少角戊年陽火起太徵癸年陰火起少徵歲歲不同注初終者記主運也丁壬木運之年主客皆起於角氣得四時

之正故曰初正也

太陽 太徵 太陰

戊辰 戊戌 同正徵

五常政大論赫曦之紀上羽與正徵同

其運熱其化暄暑鬱燠其變炎烈沸騰其病熱鬱

太徵 少宮 太商 少羽

終少角初

太陽 太宮 太陰

甲辰歲會

同天符

甲戌歲會

同天符

其運陰埃其化柔潤重澤其變振驚飄驟其病溼下重

太宮 少商 太羽

終太角初少徵

太陽 太商 太陰

庚戌 庚辰

其運涼其化霧露蕭颼其變肅殺凋零其病燥背瞀胸滿

太商 少羽 終少角 初太徵 少宮

太陽 太羽 太陰

丙辰天符 丙戌天符

其運寒其化凝慘慄冽其變冰雪霜雹其病大寒流於谿谷

太羽 終太角 初少徵 太宮 少商

凡此太陽司天之政氣化運行先天天氣肅地氣靜寒臨太虛陽氣不令寒政大舉澤無陽燄則火發待時少陽中治時雨迺涯止極雨散還於太陰雲朝北極澤流萬物溼化迺布水土合德上應辰星鎮星其政肅其令徐其穀立齡寒敷於上雷動於下寒溼之氣持於氣交民病寒溼發肌肉萎足痿

不收濡寫血溢

太陽寒水司天故天氣肅太陰溼土在泉故地氣靜寒水勝火故火發待時至三之主氣相火當令故時雨迺天涯也水岸止極雨散四氣以後太陰溼土司權故雲朝北極澤流萬物溼化迺布其穀立齡立水色齡土色也雷動者陽鬱於溼土也

初之氣地氣遷氣迺大溫草迺早榮民迺厲溫病迺作身熱頭痛嘔吐肌腠瘡瘍

初之氣少陽相火司令上年在泉之地氣至此而遷氣大溫草早榮民生溫熱之病

二之氣大涼反至寒迺始火氣遂抑草迺遇寒民迺慘民病

氣鬱中滿

二之氣陽明燥金司令寒水將生故寒始火抑

三之氣天政布寒氣行雨迺降民病寒反熱中心熱督闊癰  
疽注下不治者死

三之氣司天太陽寒水用事故天政布寒氣行寒閉皮毛  
鬱其內熱反生熱中之病

四之氣風溼交爭風化爲雨迺長迺化迺成民病大熱少氣  
肌肉萎足痿注下赤白

四之氣厥陰風木司令不勝主氣之太陰溼土故病如此  
五之氣陽復化草迺長迺化迺成民迺舒

五之氣少陰君火司令故草長民舒

終之氣地氣正溼令行陰凝太虛埃昏郊野民迺慘悽寒風  
以至反者孕迺死

終之氣太陰溼土司令故溼令行反者土被木賊故孕死  
民慘悽寒風至者終之主氣也

故歲宜苦以燥之溫之必折其鬱氣先資其化源抑其運氣  
扶其不勝無使暴過而生其疾適氣同異多少制之同寒溼  
者燥熱化異寒溼者燥溼化故同者多之異者少之用寒遠  
寒用涼遠涼用溫遠溫用熱遠熱食宜同法食歲穀以全其  
真避虛邪以安其正有假者反常反是者病所謂時也帝曰  
善陽明之政奈何岐伯曰卯酉之紀也

太陽寒水司天寒則宜溫太陰溼土在泉溼則宜燥折其

鬱氣抑寒水之太過也

折其鬱氣  
解見篇末

資其化源扶二火之不

及也

木爲火之化源

適其司天在泉之氣同異多少而節制之運

同天地之寒溼者

如太角太徵太商

則酌其燥溼所宜而用之同

者多用以勝之異者少用以調之有假者則反其常用之

法若反是者則益其病所謂因時而制宜也

陽明 少角 少陰

丁卯歲會 丁酉 同正商

委和之紀上  
商與正商同

其運風清熱

少角

初正

太徵

少宮

太商

少羽

終

丁年歲木不及爲司天燥金所勝則金兼木化以少角而

同正商所謂委和之紀上商與正商同也凡不及之年皆

兼勝復之氣風者運氣也清者勝氣也熱者復氣也餘少

運倣此

陽明 少徵 少陰

癸卯同歲會

癸酉同歲會

同正商

伏明之紀上商與正商同

其運熱寒雨

少徵 太宮 少商 太羽 終太角初

陽明 少宮 少陰

己卯 己酉

其運雨風涼

少宮 太商 少羽 終少角初太徵

陽明 少商 少陰

乙卯天符

乙酉歲會太一

天符

同正商

從革之紀上  
商與正商同

其運涼熱寒

少商 太羽

終太角初少徵

太宮

陽明 少羽 少陰

辛酉 辛卯

其運寒雨風

少羽

終少角初太徵

少宮 太商

凡此陽明司天之政氣化運行後天天氣急地氣明陽專其令炎暑大行物燥以堅濟風迺治風燥橫逆流於氣交多陽少陰燥極而澤雲趨雨府溼化迺敷金火合德上應太白熒惑其政切其令暴其發躁其穀白丹閒穀命太者其耗白甲

品羽清先而勁毛蟲迺死熱後而暴介蟲迺殃勝復之作擾而大亂清熱之氣持於氣交蟄蟲迺見流水不冰民病欬隘塞癃闊寒熱發暴振慄

陽明燥金司天故天氣急少陰君火在泉故地氣明燥金爲君火所制故陽專其令炎暑大行金爲火制故物燥以堅木無所畏故湧風迺治金木兼見故風燥橫逆流於氣交陽多陰少火旺溼生故燥極而澤溼化迺敷雨府溼盛之所以故雲趨之其穀白丹者白爲金色丹爲火色化於天地之正氣所謂歲穀也閒穀命太者左右四閒之氣太者氣厚故能生成也白甲屬金金爲火勝故色白而有甲者耗減品羽屬火火勝水復故上品之羽亦耗歲半以前天

氣主之燥金在前故清先而勁木受金刑毛蟲迺死歲半以後地氣主之君火在後故熱後而暴金受火刑介蟲迺殃火既勝金水又復火故勝復之作擾而大亂清熱之氣持於氣交君火司地故蟄蟲迺見流水不冰金被火刑故欬逆嗌塞君火在泉故癃閼火被金歛故寒熱振慄

初之氣地氣遷陰始凝氣始肅水迺冰寒雨化其病中熱脹嘔勦衄嚏欠面目浮腫善眠小便黃赤甚則淋

初之氣太陰溼土司令溼旺木鬱生氣不達故陰凝氣肅水冰雨寒不改去冬寒水之化溼盛胃逆甲木不降戊土被剋故中熱而生脹嘔相火刑金故勦衄嚏欠甲木化肺氣相火金上逆故面目浮腫膽熱故善眠土溼木鬱不能泄水故

小便黃赤淋逕也

二之氣陽迺布物迺生榮民迺舒厲大至民善暴死

二之氣少陽相火司令故陽布物榮民舒厲至

三之氣天政布涼迺行燥熱交合燥極而澤民病寒熱

三之氣司天陽明燥金主令故涼迺行三氣以後在泉之

君火司氣故燥熱交合四之客氣爲太陽寒水主氣爲太  
陰溼土故燥極而澤三之主氣以相火當令爲二之客氣

清涼所閉故民病寒熱

四之氣寒雨降病暴仆振慄譖妄少氣嗌乾引飲骨痿便血  
癰腫瘡瘍及爲心痛瘧寒之疾

四之氣太陽寒水司令四氣以後在泉之君火司氣寒閉

皮毛鬱其內熱故爲病如此

五之氣春令反行草迺生榮民氣和

五之氣厥陰風木司令合在泉君火之化勝主氣之燥金  
故草榮民和秋行春令

終之氣陽氣布候反溫蟄蟲來見流水不冰民迺康平其病  
溫

終之氣少陰君火司令又合君火在泉之化主不勝客

終之

主氣太陽寒水故氣候如此

歲宜以鹹以苦以辛汗之清之散之折其鬱氣資其化源安  
其運氣無使受邪以寒熱輕重少多其制同熱者多天化同  
清者多地化用涼遠涼用熟遠熱用寒遠寒用溫遠溫食宜